



Sulinermik Inuussutissarsiuteqartut Kattuffiat

Postboks 9 • 3900 Nuuk • Tlf.: +299 32 21 33 • Fax: +299 32 49 39 • E-mail: sik@sik.gl

Råstofstyrelsen

Nuuk, ulloq 13. 9. 2021
Allakkap normua D-21-32909

Tusarniaanermut akissuteqaat VSB-mut aamma VVM-imut nassuiaatit pillugit - Kuannersuit

Kuannersuarni aatsitassanik qaqtigoortunik suliniuteqarnermi VSB-mut aamma VVM-imut nassuiaatit pillugit tusarniaanermut SIK-p oqaaseqaateqarnissaminut periarfissinneqarnini qujassutigaa.

SIK-mit piffissami sivisuumi suliniutinik ingerlatsinissaq tapersersortuarppaa tamannalu kingullermik uppersarsarneqarpoq SIK-p ataatsimeersuarnerani 2021-imi septembarip ulluisa aappaanni aamma pingajuanni ingerlanneqartumi oqaaseqaateqarnikkut.

Oqaaseqaat taanna ilaatigut imatut oqaasertaqarpoq: *"Aatsitassanik qaqtigoortunik aatsitassarsiorniarnit SIK-p tapersersorpai, saniatigut tunisassiassatut uranitaqarpata uranitaqanngippataluunniit. Taamatut SIK-p aatsitassanik qaqtigoortunik aatsitassarsiornernut tapersersuineranut naqissuserlugu erseqqissaatigineqassaaq pinngortitamut avatangiisillu eqqarsaatigalugit illersorneqarsinnaassamat, aammalu sulisartut peqqinnissaat suliffiannilu isumannaallisaaneq salliuinneqassalluni."*

SIK-p Kuannersuarni suliniummik tapersersuineranut pissutaasut ilagaat suliniummit tassannga Kalaallit Nunaata isertitassatut naatsorsuutigisinnaasai amerlasuut.

Isertitassat Kalaallit Nunaata pisariaqartitai nunatsinnik ineriartortitsisinnaanerminut.

Soorlu VSB-mut nassuiaammi suliarineqarsimasumi takuneqarsinnaasoq naatsorsuutigineqarpoq katillugit agguaqatigiissitsilluni ingerlatsivittut aamma agguqarsiatigut akileraarutitigut, atuinermut akiliutitut aamma toqqaannartumik sulinermi akileraarutit piffissap nioqqutissiorfiusup ingerlanerani ukiut tamaasa 1,52 mia. koruuninit amerlassuseqassapput.

VSB-mut nassuiaammi aammattaaq takuneqarsinnaavoq suliniummi suliffissanik amerlasuunik pilersitsisoqarnissaa, tamakkununga ilanngullugit najukkami innuttaasunut, taamatuttaaq toqqaanngikkaluartumik suliffissat pilersinneqassapput

suliniuummit pissuteqartumik. SIK-mut pingaaruteqarpoq suliniuummi taamatut ittumi sulisussat sulinermi atugassarititaasut pitsaasut tunngavigalugit atorfinitsinneqarnissaat – tassani pineqartut akissarsiat aamma atorfeqartitaanermi atugassarititaasut, kiisalu sullivimmi avatangiisinut tunngatillugu sulineranni atugassarititaasut. Taamaattumik SIK-mit ajunngitsutut isigineqarpoq VSB-mut nassuiaammi atuarneqarsinnaammat, tassa "GML-ip sulisunut atugassarititaasunik naammaginantunik orniginartunillu aammalu pisortatigut piumasaqaataasunut sulinermillu inuussutissarsiuteqartut kattuffiannut, SIK-mut naapertuuttunik pilersitsinissaq akisussaaffigissavaa." Aamma SIK-mit pitsaasutut isigineqarpoq taamatuttaaq allassimammat GML ingerlaavartumik oqartussaasunit aamma kattuffinnit suleqatiginninniartoq sulinermi atugassarititaasut pitsaasut pilersinneqarnissaat pillugit, tamatumunnga ilanngullugit sullivimmi avatangiisit pitsaasut pilersinneqarnissaat qulakkeerniarlugu – aammattaaq qulakkeerneqarniarluni ilaqutariittut inuusinnaaneq tapersorsorniarlugu paarlakaajaalluni sulisinnaanissamut periusissat suliarineqarnissaat.

Suliniutip inuiaqatigiinnut, pinngortitamut aamma avatangiisinut eqqaminniittunut sunniutigisinnaasai eqqarsaatigalugit, SIK-mit naatsorsuutigineqarpoq VSB-mut aamma VVM-imut nassuiaatit oqartussaasut suliniuummik naliliinissaannut killiliussanik pilersitsisinnaasut, kiisalu piaanissamut akuersissuteqartoqassappat piumasaqaatinik pilersitsisoqarumaartoq tassuunakkut qulakkeerneqarluni suliniutip peqqissutsimut aamma avatangiisinut tunngatillugu isumannaatsumik ingerlanneqarnissaa.

Naggataatigut SIK-mit Namminersorlutik Oqartussanut inassuteqaatigineqarpoq iliuusissat pisariaqartut aallarteqqullugit, taamaaliornikkut suliniutip piviusunngortinneqarnissaa anguniarlugu – soorunami tassani qitiutinneqassapput suliniutip avatangiisinut isumannaatsumik, aamma sulisut peqqissusia aamma isumannaallisarneqarnerat pingaartilluinnarneqassalluni.

Kingusinnerusukkat tusarniaanermi matumani allakkaat kalaallisut allanneqarnerat nassiunneqarumaarpoq.

Inussiarnersumik inuulluaqqusilluta

Med venlig hilsen / Best regards



Bjarne Petersen

Allatseqarfimmi pisortaq